

სსიპ – ივანე ჯავახიშვილის სახელობის თბილისის სახელმწიფო უნივერსიტეტის
ჰუმანიტარულ მეცნიერებათა ფაკულტეტზე დასავლეთევროპული ენებისა და
ლიტერატურის სასწავლო-სამეცნიერო ინსტიტუტში რომანული ფილოლოგიის (ფრანგული
ენა) კათედრის ასისტენტ-პროფესორის სამსახურში მისაღებად რექტორის 2023 წლის 25
მაისის N114/01-01 ბრძანების საფუძველზე გამოცხადებული კონკურსის ჩატარების
უზრუნველსაყოფად უნივერსიტეტის აკადემიური საბჭოს 2023 წლის 5 ივნისის
N51/2023 დადგენილებით დამტკიცებული კომისიის სხდომის

№3 ოქმი (შემაჯამებელი)

ქ. თბილისი

“17” ივლისი 2023 წ.

18.00 საათი, თსუ V კორპუსი, აუდიტორია №229

სხდომას ესწრებოდა კომისიის 5 წევრიდან ხუთივე წევრი:

1. ბელა ხაბეიშვილი - თსუ-ს ჰუმანიტარულ მეცნიერებათა ფაკულტეტის პროფესორი (კომისიის თავმჯდომარე);
2. მარინე კობეშავიძე - თსუ-ს ჰუმანიტარულ მეცნიერებათა ფაკულტეტის ასოცირებული პროფესორი (კომისიის თავმჯდომარის მოადგილე);
3. გვანცა ჭანტურია - თსუ-ს ენების შემსწავლელი ცენტრის მასწავლებელი (კომისიის მდივანი);
4. ქეთევან გალობერი - სოხუმის სახელმწიფო უნივერსიტეტის ასოცირებული პროფესორი;
5. მირანდა ლომიძე - აკაკი წერეთლის სახელმწიფო უნივერსიტეტის ასოცირებული პროფესორი;

მოისმინეს:

კომისიის თავმჯდომარის, ბელა ხაბეიშვილის ინფორმაცია საკონკურსო კომისიის მიერ კონკურსანტების შეფასების ორივე ეტაპის შედეგების შეჯამებისა და კენჭისყრის შედეგების შესახებ. კომისიის წევრებმა იმსჯელეს და შეჯამეს კონკურსის ორივე ეტაპი და ფარული კენჭისყრის შედეგები.

ჰუმანიტარულ მეცნიერებათა ფაკულტეტზე დასავლეთევროპული ენებისა და ლიტერატურის სასწავლო-სამეცნიერო ინსტიტუტში რომანული ფილოლოგიის (ფრანგული ენა) კათედრის ასისტენტ-პროფესორის 1 საკონკურსო თანამდებობაზე (ა კატეგორია) საბუთები შემოიტანა 1 კანდიდატმა - თევა თათეშვილმა.

საკონკურსო დოკუმენტაციის მიმღები აპარატისგან, კანონმდებლობითა და უნივერსიტეტის შიდა რეგულაციებით დადგენილი წესით, წერილობითი დადასტურებით გადმობარებული დალუქული საკონკურსო დოკუმენტაციის (კერძოდ, ერთი კანდიდატის) გახსნის შემდეგ კომისიის წევრებმა დაწვრილებით შეისწავლეს კანდიდატის მიერ წარმოდგენილი საბუთები.

თეა თათეშვილმა შეფასების პირველ ეტაპზე (წარმოდგენილი საკონკურსო დოკუმენტაციის შეფასება) I კატეგორიაში (ფორმალური კვალიფიკაციის შესაბამისობა ვაკანსიის პროფილთან) წარმოდგენილი დოკუმენტაციის მიხედვით მიიღო შეფასება „კვალიფიკაცია შეესაბამება მოთხოვნებს“; II კატეგორიაში (პედაგოგიური გამოცდილების შესაბამისობა ვაკანსიის პროფილთან) მიიღო მაღალი შეფასება; III კატეგორიაში (სამეცნიერო-კვლევითი საქმიანობა) მიიღო მაღალი შეფასება; IV კატეგორიის (ბოლო 6 წელიწადში სხვა აქტივობა) ორივე ნაწილში კონკურსანტმა მიიღო მაღალი შეფასება.

საკონკურსო კომისიამ კონკურსანტის სასწავლო-პედაგოგიური საქმიანობის შეფასებისას გაითვალისწინა, რომ ის უკვე ჩართულია საკონკურსო პროფილის სასწავლო კურსების განხორციელებაში, კარგად იცნობს ვაკანსიის პროფილს, მის მიერ შესაძლო წასაკითხ სასწავლო დისციპლინებში ასახელებს საგნებს, რომლებიც ფრანგული ფილოლოგის საბაკალავრო და რომანული ფილოლოგის სამაგისტრო პროგრამებშია შეტანილი და თავად აქვს როგორც თეორიული, ასევე პრაქტიკული კურსების წაკითხვის გამოცდილება. მის მიერ წარმოდგენილი სასწავლო კურსების სილაბუსები ფორმით და შინაარსით სრულად აკმაყოფილებს თსუ-ში მოქმედ მოთხოვნებს სასწავლო კურსის სილაბუსის მიმართ. გარდა ამისა, კონკურსანტი ამჟამად დასაქმებულია თსუ ჰუმანიტარულ მეცნიერებათა ფაკულტეტის ხარისხის უზრუნველყოფის სამსახურში, არის ფრანგული ფილოლოგის მიმართულებით საგანმანათლებლო პროგრამების აკრედიტაციის ექსპერტი და კარგად იცნობს პროგრამის განხორციელებისა და შეფასების მექანიზმებს, რაც უდავოდ, ხელს შეუწყობს რომანული ფილოლოგის კათედრის მიერ განხორციელებული საგანმანათლებლო პროგრამების განვითარებას.

კონკურსანტის სამეცნიერო-კვლევით საქმიანობაში იკვეთება კვლევითი სიახლეების ძიება და მათი სასწავლო სამეცნიერო პრაქტიკაში რეალიზაცია. აგრეთვე, აღსანიშნავია დიდაქტიკური და შედეგების შეფასების მიმართულებით სიახლეების დანერგვის პრაქტიკა. ცალსახაა, რომ კონკურსანტის სამეცნიერო მუშაობა ხელს შეუწყობს ახალი კვლევითი თემატიკის შემოტანას სამეცნიერო სივრცეში, საგანმანათლებლო და კვლევითი პროცესების ინტეგრაციას.

კონკურსანტის უკვე დაბეჭდილი 11 პუბლიკაციიდან 6 სტატია ადგილობრივ საერთაშორისო სამეცნიერო ჟურნალშია, 2 სტატია საზღვარგარეთ საერთაშორისო საკონფერენციო მასალებში; 2 სტატია ადგილობრივ საკონფერენციო მასალებშია წარმოდგენილი, 1 გახლავთ მონოგრაფიის თავი. ნაშრომები შესრულებულია მაღალ

სამეცნიერო დონეზე და ისინი სრულად შეესაბამება ვაკანსიის მიმართულებას. კონკურსანტს მონაწილეობა აქვს მიღებული 5-ზე მეტ საერთაშირისო კონფერენციაში როგორც საქართველოში, ასევე საზღვარგარეთ, სხვადასხვა წლებში მიღებული აქვ 3 სამეცნიერო-კვლევითი და 2 საკონფერენციო გრანტი. გავლილი აქვს კვალიფიკაციის ასამაღლებელი 10-ზე მეტი ტრენინგ-კურსი, მიღებული აქვს ჯავახიშვილის მედალი, იაკობ გოგებაშვილის სახელობის სამეცნიერო პრემია, არის დოქტორანტთა კვლევითი პროექტებისა და სემინარების რეცენზენტი.

უცხოეთის ცენტრებთან ურთიერთობის გამოცდილებით, საერთაშორისო სამეცნიერო კონფერენციებში სისტემატური მონაწილეობით, საერთაშირისო სამეცნიერო კონფერენციების ორგანიზებით, საერთაშორისო სადოქტორო პროგრამაზე სწავლის პერიოდში საზღვარგარეთ ჩატარებულ სავალდებულო კოლოკვიუმებსა და სემინარებში მონაწილეობით, ბოლონისა და ოტ-ალზასის უნივერსიტეტებში კვლევითი სტაჟირებების განხორციელებით, ევროპული ენების ფლობით, საერთაშორისო მობილობის პროგრამაში მონაწილეობითა და მზარდი სამეცნიერო პროგრესით კონკურსანტს უდავოდ შეუძლია ხელი შეუწყოს თსუ-ს საერთაშორისო სამეცნიერო რეიტინგის ამაღლებას.

წარმოდგენილ მოტივაციაში მას კარგად აქვს გამოკვეთილი საკონკურსო პროფილი და რეალისტურად მსჯელობს, თავად რა წვლილის შეტანა შეუძლია დარგის განვითარებაში, როგორც საგანმანათლებლო პროგრამების გაუმჯობესება-განვითარების, ისე სასწავლო-მეთოდური და სამეცნიერო-კვლევითი მიმართულებით, თავისი კვლევის თემატიკით, მუშაობის გამოცდილებითა და სასწავლო პროცესში ჩართულობით. (დეტალურად იხ. ოქმი №1 და მისი დანართი „კონკურსანტის შეფასების ფორმა“).

გასაუბრების ეტაპზე კომისიამ შეაფასა პრეტენდენტის პროფესიული უნარ-ჩვევები, გადმოცემისა და მსჯელობის კულტურა, ქცევისა და მეტყველების მანერა. გასაუბრების შედეგად დადასტურდა, რომ მას აქვს რეალური საგნობრივი ცოდნა და გამოცდილება საკონკურსო პროფილის როგორც თეორიული, ასევე პრაქტიკული სასწავლო კურსების გაძლიერებისა. არის მიზანდასახული და აქვს რეალისტური სამეცნიერო - კვლევითი გეგმა, რომელიც თანხვედრაშია საუნივერსიტეტო სასწავლო-სამეცნიერო მიზნებთან. არის მზარდი ახალგაზრდა კადრი, ჯანსაღი საზოგადოებრივი და აკადემიური ღირებულებებით, რომლის შენარჩუნება საუნივერსიტეტო სივრცეში არის გარანტია უნივერსიტეტის სამომავლო პროფესიული განვითარებისა. პრეტენდენტის კანდიდატურა სრულ შესაბამისობაშია გამოცხადებული ვაკანსიის მოთხოვნებთან (იხ. ოქმი №2).

გამოცხადებულ ვაკანსიაზე ჩატარებული ფარული კენჭისყრის შედეგად კომისიის ყველა წევრმა (5 მომხრე, არცერთი მოწინააღმდეგე) დაუჭირა მხარი თეა თათეშვილის კანდიდატურას.

დაადგინეს:

1. სსიპ - ივანე ჯავახიშვილის სახელობის თბილისის სახელმწიფო უნივერსიტეტის პუმანიტარულ მეცნიერებათა ფაკულტეტზე დასავლეთევროპული ენებისა და ლიტერატურის სასწავლო-სამეცნიერო ინსტიტუტის რომანული ფილოლოგიის (ფრანგული ენა) კათედრის ასისტენტ-პროფესორის 1 ვაკანსიაზე გამოცხადებულ კონკურსში გამარჯვებულად ერთხმად გამოცხადდა პრეტენდენტი თეა თათეშვილი.
2. გადაეცეს კომისიის შემაჯამებელი სხდომის ოქმი უნივერსიტეტის აკადემიურ საბჭოს დასამტკიცებლად.

კომისიის თავმჯდომარე:

კომისიის მდივანი:

კომისიის წევრები:

თარიღი: 17. 07. 2023